



## UN VISITA AL GRANDE ROTA IN VIENNA

**Le narrator:** *In Vienna – le capital de Austria – se trova un grande parco verde, le Prater, que comprehende un area de amusemento. A distantia on vide le marca distinctive del Prater, le grande rota. Nostre tres amicos es al puncto de finir lor visita a un caffè exterior e assi lor tortas viennese – un deber absolute, quando on es in Vienna.*

**Petro:** Uhm, isto esseva deliciose. Exactemente lo que io besoniava.

**Anna:** E exactemente lo que on *debe* haber, quando on es in Vienna: un bon caffè viennese e un del deliciose tortas typic. Mi *Apfelstrudel* esseva perfecte. Como esseva vostre *Sachertortes*?

**Paulo:** Io non va planger me! Io es si satisfacite, illo esseva superbe – e io ama chocolate.

**Petro:** Anque le mie esseva bon ma troppo grande. Io non pote mangiar tanto.

**Anna:** Si vos ha finite toto, nos vadera al area de amusemento. Io ja ha pagate al servitor.

**Paulo:** Perfecte, gratias pro le caffè e torta!

**Petro:** Si, gratias, Anna!

**Anna:** De nihil. – Es vos preste? Alora:  
Vamos al rota.

**Narrator:** *Il ha multe homines hodie, qui gaude del bon tempore. Le sol brilla, e le celo es clar e sin nubes. Il essera perfecte ir in alto e vider le panorama supra Vienna ab le grande rota.*

**Petro:** Io pote vider le grande rota. Huh, non es illo multo alte?

**Anna:** Naturalmente, alteremente on non pote vider le urbe – e on es dicite haber un panorama phantastic ab le summitate.

**Paulo:** In le guida se dice que le grande rota – in germano appellate *Riesenrad* – aperiva in 1897 e curre con 2,7 kilome-



tros per hora (km/h). Le diametro del rota es 60,96 metros, e le puncto le plus alte es 64,75 metros supra le terra. Il ha 30 cabinas.

**Petro:** Wow, isto nos debe essayar, anque mesmo si io ha un poco de timor de altitudes.

**Anna:** Sia calme. Le rotation es vermente *multo* lente, e on pote seder sur le bancos in le centro del cabinas. – Ecce le entrata. Tres adultos, per favor!

**Le venditor:** Tres adultos, gratias. Ha vos un Carta Viennese?

**Anna:** Un carta...?

**Petro:** Ah, si, isto es le cartas que nos comprava pro ir con metro e trames. Ecce illos!

**Le venditor:** Exactemente. Alora vos habera un precio reducite. Ora il es novem euros per persona in vice de dece.

**Anna:** Isto es bon. 27 euros, per favor.

**Le venditor:** Multe gratias. Ecce le billetes. Bon tour!

**Paulo:** Multe gratias.

**Narrator:** *Ora nostre tres amicos attende in le cauda pro ir in alto.*

**Anna:** Oh, vide! Un servitor prepara un tabula con dinar in un del cabinas!

**Paulo:** Si, on pote locar un cabina e mangiar un cena luxuose durante que on circula con le grande rota. Assi on pote mangiar e spectar Vienna durante le vespere.

**Anna:** Como isto es romantic!

**Petro:** Non sonia plus. Nos debe entrar. Il

es nostre tour.

**Paulo:** Hurrah!

**Anna:** Le rotation certo es lente. Petro, es tu OK?

**Petro:** Si, iste tempo es bon. Il es phantastic vider le construction del rota si proxime. Qual labor ingeniose!

**Paulo:** Ma memora anque reguardar al urbe. Le vista es meraviliose! Io pote vider le grande cathedral, *Stephansdom*, con su tecto spectacular con mosaicos.

**Anna:** E vide la! Illo es le grande castello *Hofburg*.

**Petro:** Io va prender alcun photos.

**Anna:** No, Petro, da me le camera. Alora io pote photographiar Paulo e te, e assi tu pote provar que tu esseva con nos in alto.

**Petro:** Un excellente idea, gratias!

**Anna:** OK, surride!

### ILLE ES FOLLE, ISTE ARCHITECTO!

■ Vienna es cognoscite pro su *Sachertorte*, le belle musica de Strauss, le cafés, le annual concerto del anno nove con le Orchestra Symphonic de Vienna – e alora le multo estranie *Hundertwasserhaus*. Designate per le architecto Friedensreich Hundertwasser, le appartamenti es sin lineas recte e in colores ric pro crear balancia inter homines e le natura. 200 personas habita in le circa 50 appartamenti in le strata *Kegelgasse*.





# UN VISITA AL GRANDE ROTA IN VIENNA

1 Combina le parola con le explication e con le photo correcte. Scribe tu responsas sub le photos.

- |                           |  |
|---------------------------|--|
| 1. tram                   | A. Il ha un slogan pro facer le gente rider e usar los                                 |
| 2. café                   | B. Delicatessas a mangiar on trova in <i>Naschmarkt</i>                                |
| 3. corbe de immunditias   | C. On pote vider Vienna gratias al poter de cavallos                                   |
| 4. cornichones acidule    | D. Le tecto es ornamentate, e le campanas es le secunde plus grande in Europa del West |
| 5. carrossa               | E. Un loco essential ubi on reposa e gaude de caffè e torta                            |
| 6. statua de Strauss      | F. Le maestro del tonos del celo es honorate in auro                                   |
| 7. le cathedral de Vienna | G. Multe citates ha abandonate iste medio de transporto                                |



2 Associa cata parola con un expression o un synonymo.

- |   |  |
|---|--|
| 1. <input type="checkbox"/> diametro          | A. symbolo o edificio que face un loco recognoscibile                |
| 2. <input type="checkbox"/> summitate         | B. le linea a transverso de un circulo de latere a latere            |
| 3. <input type="checkbox"/> cabina            | C. facite con amor   |
| 4. <input type="checkbox"/> ingeniose         | D. le urbe le plus grande in un pais                                 |
| 5. <input type="checkbox"/> cena              | E. ornamentation del tecto o muro per parve pecias de vitro o petras |
| 6. <input type="checkbox"/> capital           | F. le puncto le plus alte  |
| 7. <input type="checkbox"/> marca distinctive | G. repasto mangiate durante le vespere                               |
| 8. <input type="checkbox"/> provar            | H. genial  |
| 9. <input type="checkbox"/> mosaico           | I. demonstrar con certitude  |
| 10. <input type="checkbox"/> romantic         | J. un wagon claudite in le qual on pote seder                        |

3 Responde al questiones:

1. Explica que es un grande rota, per favor
2. Explica que es un cauda, per favor.
3. Que es lo que Anna describe como "romantic"?
4. Si tu ha essite in Vienna, explica brevemente que tu videva, e ubi tu esseva.
5. Explica que es un *Sachertorte*, per favor.